

Quid obser-
uandum sit,
vt datus nu-
merus expri-
matur.

§

NUMERATIO

distribuendus erit numerus in membra, hoc modo. Supra primam figuram ad manum dextram ponatur punctum: Deinde procedendo versus sinistram, & omissis duabus figuris, supra sequentem figuram quarto loco positã aliud punctum statuatur: Et sic deinceps, omissis semper duabus figuris sine punctis, supra sequentem figuram punctum scribatur. vt hic factum esse vides.

42329089562800

Quælibet enim figura sub quocunque puncto cum duabus antecedentibus versus sinistram constituit vnum membrum, ita vt singula membra ternis figuris constent, vltimo membro versus sinistram excepto, quod aliquando vnicam figuram habere potest, illam nimirum, quæ sub puncto collocatur; quemadmodum in proposito exemplo in quinque membra distributo contingeret, si vltima hæc figura 4. tolleretur: aliquando verò duas, vt in dato exemplo.

Itaque vt quicumq; numerus enūcietur, satis est, si quodlibet membrum seorsum exprimatur, cuius prima figura vnitates significat, secunda denas vnitatum, & tertia ceterenas. Sed post pronunciationem cuiusuis membri apponenda est hæc vox [Mille] toties, quot membra sequuntur illud, quod enunciatur, ita tamen, vt primùm ea vox ponatur in recto pluralis numeri, deinde vero semper dicatur [millie] vt mox audies.

Illud porro membrum, quod vltimum est
versus